

414 In Cap. XXIV. Ecclesiastici.

seu circuitorum more, tuas, ut anteā, mercedes evulgabis, ac per urbem circumferes, verē ciborum partrix & venditrix. Unde sic eam illīcō adhortatur: *Sume citharam, circui civitatem, meretrici oblivionis tradita: benē cane, frequenta canticum, ut memoria tui sit.* Id est, quā p̄t̄s cum arte, & quāst̄l̄ sepulta videbare; cithara & fistris, crotalis, aut fistulis, clārā atque contentā voce, tuarum mercium naturam evulga, ut memoriam tui apud multos excites negotiatores. *Unus prego, y otro prego:* *Ai quien quiera vino y pan: porque no se olviden de ira tu taverna, comer de tus manjares, y beber de tu vino.* Cujus rei causam reddit: *Et erit post septuaginta annos, Visibit Dominus Tyrum: & reducit eam ad mercedes, & rursus forniciabitur cum universis regnūs;* id est, vendendo escas & vinum cauponabunt, arte sua & labore quāst̄m faciet. Denique, ut confit̄ hāc omnia ad spiritualem intelligentiam esse transferenda, ut sanctus Hieronim⁹ intelligat. *Ad spiritualem intelligentiam regnūs: & fertur pro Eucharistia.*

LXX.

Tigur.
Vatab.

S. Hieron.

Olim Pa-
nem, & vi-
des ejus sanctificatae Domino. In usus sacros
num ad con-
secrationem
Eucharistie
populus of-
ferat.

S. August.

ffidoni.

tim addit: non condentur, neque reponantur. Id est, non erunt in gazophylacio reposita, & reconditae, sed tanquam oblationes personae dignae, inculpatæque vitæ, in uis altaris facros expendentur, ut consecratæ à sacerdotibus in Christi corpus & sanguinem convertantur, siisque ex eis divinum Eucharistiae epulum. Unde subtextit: *Quia his, qui habitaverint coram Domino;* id est, sacerdotibus, ut Chaldaeus, & alii explicant) Chaldeus erit negotiatio ejus (id est, panis & vini oblatio, in quibus negotiabantur) ut manducent in saturitatem. LXX. vertunt: *omnis LXX. negotiatio ejus comedere, & bibere.*

1592 Concludit Vates: & vestiantur usque ad vetustatem. Chaldaeus effert, & ve-Chaldeus
stiantur vestimentis gloria. Sic appellat ve-
stites sacerdotales, quibus induuntur Sacer-
dotes ad peragendum Missæ sacram, cum
intuitu ad vestimenta sacerdotalia Hebræo-
rum Pontificum, de quibus Exod. 28. vers. Exo. 28. 2.

2. Facies vestem sanctam Aaron fratri tuo in gloriā, & decorē. Hebraicē pro vestian-
tur usque ad vetustatem, est, ad operi-
mentum durabile: ut nunquam sacerdotibus de-
sit operimentum. Forerius aliter ex Hebræo
vertit: *Erit negotiatio ejus ad comedendum ad saturitatem, & ad contributionem, seu collec-
tiā, seu collationem durabilem, quæ non exhauiatur, sed semper habeant unde eis ne-
cessaria suppeditentur.* *Estas oblationes de pan y vino seran censo perpetuo en la Iglesia tributo que se deve rendir a la Eucaristia.* Un-de Missa perinde est nonnullis atque tribu-
num, censu, vestigial, à nomine Hebræo
Mas, id significante. Vide Durantum libro
2. capite 1. Matthiam Martin. in suo lexico-
ne Philologico, verbo *Missa*. LXX. Inter-
pretes aliter, sed opportunius ad rem no-
stram efferunt: *Omnis negotiatio ejus come-
dere & bibere, & impleri in symbolum; me-
moria coram Domino.* Quid pro Eucharistiae
mysterio luculentius? Sanè ad Eucharistie-
cum convivium corporis & sanguinis Christi respexisse LXX. Seniores, indubium vi-
detur. Eucharistia enim symbolum est, si Eucharistia
grum nempe, quod memoria extat coram symbolum
Domino, qui apud Lucam capite 22. vers. appellatur.
19. monet: *Hoc facite in meam commemora-
tionem.* Et Psalm. 110. vers. 4. *Memoriam Pf. 110. 4.*
fecit mirabilium suorum: *Escam dedit timen-
tibus se.* Et quia ab Ecclesia exordio in Mis-
sa celebrationē semper aliquot Eucharistiae particulae affervabant velo cooperatae seu intra-
tra velum, fortè ad hoc alludens Isaías di-
xit: *ut vestiantur usque ad vetustatem, vel
ad operimentum durabile;* id est, ut velo co-
operatae reponantur in perpetuum: ut illud ve-
stiantur non ad sacerdotes, sed ad merces seu
oblationes panis & vini referatur.

1593 His igitur fusè statutis, ut par erat Subinde
in nova perplexi Vaticinii enodatione, re-commenda-
deo ad nostram Hispaniam, nobilem Ty-
rum sive mysticam, sive propriam; quia Ty-
riorum colonia. Etenim, si vetus, si ingens, Euchari-
si tenax Hispaniensis Ecclesiæ pietas in au-
gustissimum Eucharistiae mysterium; si cul-
tus, quo sacrofæcta mysteria gravissimè in
ea peraguntur; si templo ob magnitudinem
amplissima, & illustrissima ob splendorem;
si divitiae in facros usus, ministrorumque
Dei cultum, viatumque incredibili munifi-
ciā impensæ; si abundantissima Ecclesia-
rum

Pars III. ad V. 16.

415

rum supplex in vas, amictuque facro rel-
plendens; si multitudi cælesti mensæ accum-
bentium, & assistentium; si crebræ celebri-
tates huic divino epulo sacratae publico &
prædivite, & apparatissimo theatro; si anni-
versaria, summaque Corporis Christi preca-
ria pompa, quā per rectas vias magnificè
exornatas sacra mitissimi agni Hostia in sacra-
rium totum ex argento factum inclusa dedu-
citur, non absque ingenti comitatu omnis ordi-
nis ac generis virorum illustrum, non abs-
que cymbalorum excitato pulsu, tibiarum
sonitu, & vocibus cantorum suavissime con-
centium; non absque lucernarum, funa-
liumque accessorum multitudine, choreis nu-
merose ductis, & festis salientium saltationibus;
nec non incredibili totius populi
concursu ad venerandam, adorandamque tan-
ti Domini majestatem. Etenim si hæc om-
nia attentius expendantur, nemo erit cor-
datus vir Biblicè peritus, qui extricatum
jam Iſaiæ vaticinium in Hispaniensem Eccle-
siam, nobilissimam Tyriorum filiam, bellissi-
mè & signatissimè cadere, non fateatur. Ip-
sa ipſa est, quæ ad instar cauponæ Tyriæ,
solemni cantu, & musico instrumento publi-
cè venales proponit, & per vias publicas clara-
& contentā voce evulga Eucharistici pa-
nis & vini mercedes: *Omnes stientes venite
ad aquas, & qui non habetis argentum, pro-
perate, emite, & comedite. Venite, emite
absque argento, & absque ulla commutatio-
ne vinum & lac.* Iſai. 55. vers. 1. Ipsa ipſa
est, quæ per Apostolos inflaurata revo-
cavit ad se nova terræ regna ad societatem
mercium Dominicæ panis & vini. Ipsa ipſa
est, quæ divitias suas in usus sacros largif-
simè confert, in cultum & viatum eorum,
quos sibi Dominus ad sacrum designavit mi-
nisterium: in augustinumque Eucharistici sa-
crificii & epuli venerationem, & ornatum. Ipsa ipſa est, cuius omnis negotiatio comedere,
& bibere, & impleri in symbolum, me-
moria coram Domino.

1594 Denique, gaudent Hispani hac in
almam Eucharistiam pietate quasi hæredita-
rio jure acceptâ à Caio Cornelio Centurio-
ne Capharnaunensi, qui, ut suprà ex Dex-
tro & aliis flatuimus, Hispaniensis fuit, &
patria Malacitanus, cuius filius erat Cajus
Oppius Centurio, qui Jerosolymis degebatur,
& Christum è Cruce pendente agnivit &
glorificavit. Atqui, Centurio ille fide po-
tius quam arte medicâ armatus Jesum adit,
Christum supplex rogat, ut sanitatem servo
paralyticu in domo jacenti faciat. Et ait illi
Iesus: *Ego veniam, & curabo eum.* Quid
igitur ad hæc Centurio? *Domine non sum
dignus, ut intres sub tectum meum; sed tan-
tum dic verbum, & sanabitur puer meus.* De
solo absens Jesu verbo sperat servi morbum
depellere. Eximia hæc Hispani Centurionis
fides, quum non tantum summis Ecclesiæ
Doctoribus, sed ipsi Domino extitit ad mi-
raculum. *Audiens autem Iesus, miratus est,*
& sequentibus se dixit: *Amen dico vobis,*
non inveni tantam fidem in Israel. Super quibus
verbis Basilius Seleucus Orat. 19. *Uni-
cus Gentilis supra totam Judæorum multi-
tudinem fæse exultit.* *Esto gentilis (hominis)*
discipulus. Et sanctus Chrysologus Sermo-
ne 15. *Centurio dux factus est militie Chri-
stiane, & meritò, quia ante cœpit docere,*
M m 4 eorum

quām credere. Sed quid, quæso, docuit
tantus fidei magister? Opinor quidem eo
Centurionis facto quidpiam adumbratum Eu-
charistici Sacramenti; & illo Christi in Centurionis
aedes ingressu, ejusdem Christi sub
panis & vini latenti speciebus, in fidelium
pectora illapsum repræsentari. Sic Origen.
Sed & hoc (ait) nullum nostrum pertranseat si-
cut pusillum aliquid, quod dixit iste Centuri-
o: *Non sum dignus ut sub teclum meum in-
tres.* Intrat & nunc Dominus sub teclum cre-
dentiū, quando sanctorum cibum, illudque in-
corruptum accipit epulum; quando vite pa-
ne, & poculo frueris, manducas, & bibis
corpus & sanguinem Domini, tunc Dominus
sub teclum tuum ingreditur. Et tu ergo hu-
milians temetipsum, imitare hunc Centurio-
nem, dico: *Domine non sum dignus, ut in-
tres sub teclum meum.* Favet Ecclesia uni-
versalis, quæ hac utitur formula quoties
ad sacram mensam accedimus. Ut enim qua-
par est fide, cultu, pietate, & animi de-
missione Eucharistiam suscipiamus, unus His-
pani Centurionis nos instruit magisterio. In
quo sane prelucet jam exinceps eximia
Hispanorum fides, veneratio, & pietas in
Dominici Corporis & Sanguinis Sacramen-
tum, summum Christianæ fidei mysterium.

Moralis illustratio.

SECTO XXX.

Ille, in quo Virtus altas egit radices, unum
se reputet ex prædestinatis ad eternam fe-
licitatem.

1595 *E* T radicavi in Populo honorificato, five
illustri, ajebat de se corporata Sa-
pientia. Certe, si ad mores hanc revo-
cavimus radicationem, *Populus honorificatus, seu*
illustri, erunt electi ad gloriam, juxta il-
lud Psalm. 138. *Nimis honorificati sunt ami-
ci tui, Deus.* Quo etiam sensu eidem In-
carnatae Sapientia dictum à Patre fuit suprà
vers. 13. *In electis meis mitte radices.* Dum
enim Christianæ Virtutes in animis fidelium
altas radices agunt, iteratis crebro actibus,
in illis Christus radicari dicitur uti in hono-
rificato & illustri electorum suorum populo.
Jure igitur tete reputes unum ex prædesti-
natis ad gloriam, si usque adeò vehementer
firmatam, stabilitamque experiaris in te Vir-
tutem, ut nullus eam stertere possit rei ad-
versæ flatus. Caveat sibi, qui viriliter prius
non est, sed muliebriter impius; cui vir-
tus sapè nutans, infirma, temporalis; ca-
veat ne sit ex reproborum grege. Sibi ga-
udeat de faustissimo æternæ felicitatis augu-
rio, qui viriliter, qui constanter incumbit
Virtutis negotio, & pietatis proposito. Hinc
illud Salomonis Proverbiorum 12. vers. 3. *Prov. 12. 3.*
*Non roboretur homo ex impietate, & radix
iustorum non commovebitur.* LXX. Roman. LXX.
*Non prosperabitur homo ex iniquo; radices au-
tem iustorum non auferentur.* Quasi dicat: Im-
pietas, eti diu inolta, non stabilem, non
firmum reddit impium, sed adeò instabilem
& infirmum, ut in mala multa incidat, ever-
tatur, & evelletur: at vero virtus, justitia
& probitas iustos Dei electos stabilit,
& firmat, dum ipsa stabilita & firmata in